

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 266745 25 St
Zenica, 08.06.2026. godine

Općinski sud u Zenici, stečajna sutkinja Sanja Pavlić, u stečajnom postupku koji je pokrenut po prijedlogu predlagatelja Društvo za iznajmljivanje i prodaju građevinske opreme EURO-OPREMA d.o.o., Rosulje b.b., Tešanj, koga zastupa direktor Karahmet Merjema, donio je na ročištu 08.06.2026. godine sljedeće:

R J E Š E N J E

Pozivaju se povjeritelji i zainteresirane osobe da u roku od 30 dana od dana objavljivanja poziva na oglasnoj tabli suda, web stranici suda-elektronskoj tabli suda i u Službenim novinama F BiH, predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM na depozitni račun suda, broj: 134-010-0000044837 otvoren kod ASA Banke d.d. Srajevo, Poslovnica Zenica.

Ako povjeritelji i zainteresirane osobe ne predujme iznos naveden u stavu jedan ovog rješenja u određenom roku u ovom rješenju, upozoravaju se da će stečajni sudac otvoriti stečajni postupak i odmah zaključiti postupak nad društvom

Ako zainteresirana osoba predloži otvaranje stečajnog postupka i uplati predujam u navedenom roku stečajni sudac će otvoriti stečajni postupak i voditi ga u skladu sa odredbama Zakona o stečaju.

O b r a z l o ž e n j e

Predlagatelj Društvo za iznajmljivanje i prodaju građevinske opreme EURO-OPREMA d.o.o., Rosulje b.b., Tešanj, podnio je prijedlog za otvaranje stečajnog postupka nad društvom Društvo za iznajmljivanje i prodaju građevinske opreme EURO-OPREMA d.o.o., Rosulje b.b., Tešanj, 23.10.2025. godine.

Zakonski zastupnik predlagatelja je na ročištu izjavio da u cijelosti ostaje kod prijedloga za otvaranje stečajnog postupka i nema primjedbi niti prigovora na Izvještaj i Poseban izvještaj privremenog stečajnog upravitelja.

Privremeni stečajni upravitelj je na ročištu za ispitivanje uvjeta za otvaranje stečajnog postupka održanom 08.06.2026. godine, izjavio je izvršio obilazak mjesta koje je u sudskom registru označeno kao sjedište firme – Rusulje bb, Jelah, kojom prilikom je utvrdio da na poslovnim prostorijama i prostoru ispred poslovnih prostorija nema natpisa koji bi upućivali na to da je na toj adresi sjedište firme i da stečajni dužnik tu obavlja poslovne djelatnosti. Izjavio je da je iz razgovora sa direktorom društva i na osnovu dokumentacije koja mi je bila na raspolaganju utvrdio da je društvo osnovano 2018. godine, da je pretežna djelatnost društva bila iznajmljivanje i davanje u zakup (leasing) mašina i opreme za građevinarstvo, da je poslovanje društva u potpunosti obustavljeno, da je posljednje poslovne aktivnosti društvo ostvarilo u 2022. godini, da društvo ima ukupno 2 transakcijska računa (1 u KM i 1 devizni) koji su svi blokirani radi nemogućnosti društva da izvršava svoje dospjele novčane obaveze, da društvo ima dug po osnovu javnih prihoda, da direktor društva nije u radnom odnosu i društvo nema ni jednog zaposlenog radnika, da je za potrebe ovog postupka je sačinjen finansijski izvještaj za period od 01.01.2025.godine do 30.09.2025.godine koji se nalazi u sudskom spisu, da nije sačinjen finansijski izvještaj sa 31.12.2025.godine, da društvo nema vlastito knjigovodstvo, a nema ni zaključen ugovor sa knjigovodstvenom agencijom za obavljanje računovodstvenih poslova i da osim poslovne dokumentacije koja je dostavljena sudu uz prijedlog za otvaranje stečajnog postupka, društvo djelimično posjeduje poslovnu dokumentaciju o poslovanju firme u proteklom periodu te dokumentaciju o osnivanju firme. Izjavio je da analizom bilansa uspjeha za period od 01.01.2025.godine do 30.09.2025.godine je utvrđeno da u navedenom periodu društvo nije ostvarilo nikakve poslovne prihode, da u navedenom periodu društvo nije imalo ni rashoda, da je za isti period dobit društva iznosila 0,00 KM, da za isti period gubitak društva iznosi 0,00KM, te da iz navedenog proističe da u periodu od

01.01.2025.godine do 30.09.2025.godine društvo nije ostvarilo ni dobit ni gubitak tako da je na kraju izvještajnog perioda ostvarilo ukupan rezultat od 0,00 KM, a u prethodnom periodu, od 01.01.2024.godine do 30.09.2024.godine društvo nije ostvarilo nikakve prihode, nije imalo ni rashoda, tako da je društvo na kraju tog perioda ostvarilo ukupan rezultat od 0,00 KM. Istakao je da prema bilansu stanja društvo nema nikakve imovine, a ima neizmirene obaveze, te da gubitak u poslovanju iznosi 120.977,00 KM i odnosi se u potpunosti na akumulirani nepokriveni gubitak iz ranijeg perioda, a nema gubitka tekućeg perioda, da prema Uvjeranju Porezne uprave F BiH, Porezna ispostava Tešanj br. 13-4/4-12-5-3-1803/26AM od 09.04.2026.godine, društvo na dan 09.04.2026.godine ima iskazan javni dug po osnovu neplaćenih javnih prihoda u iznosu od 104.395,77 KM. Izjavio je također da je stečajni dužnik platežno nesposoban jer duže od 60 dana neprekidno ne izmiruje svoje dospjele novčane obaveze, nije u stanju da izvršava svoje dospjele i potraživane obaveze plaćanja, a svi računi stečajnog dužnika su blokirani duže od 60 dana neprekidno, zbog čega su u smislu člana 6. Zakona o stečaju nastupili razlozi za otvaranje stečajnog postupka nad stečajnim dužnikom, a stečajni dužnik odnosno organ ovlašten za zastupanje stečajnog dužnika nije podnio prijedlog za otvaranje stečajnog postupka u roku od 60 dana od dana nastupanja platežne nesposobnosti. Izjavio je da društvo nema pokretne ili nepokretne imovine iz koje bi se mogla formirati stečajna masa ni za podmirenje troškova stečajnog postupka, te da na osnovu navedenog smatra da postoje razlozi za otvaranje stečajnog postupka i predlaže da naslovljeni sud u skladu sa članom 102. st. 7. Zakona o stečaju javnim pozivom pozove povjerioce i zainteresovana lica da u roku od 30 dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM, pa ukoliko niko u ostavljenom roku ne predjumi navedeni iznos da sud donese rješenje o otvaranju te i zaključenju stečajnog postupka nad imovinom društva.

Kako stečajni dužnik ima obveze, a nema imovine, pa ni za troškove stečajnog postupka, to je sud primjenom odredbe čl. 102. stav 7.8. i 9. Zakona o stečaju („Sl. Novine F BiH“ broj: 53/2021), pozvao povjeritelje i zainteresirane osobe da predjume dovoljan novčani iznos za pokrivanje troškova stečajnog postupka (otvaranje i provodjenje stečajnog postupka), ako su zainteresirani za vodjenje stečajnog postupka, kod situacije kada nema imovine stečajnog dužnika iz koje bi se mogle namiriti obveze, pa ni sami troškovi otvaranja i vodjenja stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vodjenje stečajnog postupka.

S obzirom na izloženo odlučeno je kao u izreci ovog rješenja primjenom odredbe čl. 102. stav 7.8. i 9. Zakona o stečaju. Ovim rješenjem povjeritelji i zainteresirane osobe su upozoreni na posljedice propuštanja postupanja po pozivu ovog suda.

PRAVNA POUKA:
Protiv ovog rješenja nije
dozvoljena žalba.

Stečajna sutkinja
Sanja Pavlić